



Concello de Cangas

## **ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 28 DE MARZO DE 2016**

=====

LUGAR: Sala de Xuntas do Concello de Cangas

DÍA: 28 de marzo de 2016

HORA DE COMEZO: 18:40 h.

HORA DE REMATE: 19:35 h.

ASISTENTES: D. Xosé Manuel Pazos Varela (alcalde-presidente), D. Mariano Abalo Costa, D. Andrés García Bastón, D<sup>a</sup> Mercedes Giráldez Santos, D. Xoan Carlos Chillón Iglesias, D<sup>a</sup> Ángela Vizoso Marcos e D. Tomás Hermelo Álvarez.

AUSENTE: D. Heitor Mera Herbello.

Baixo a presidencia do Sr. alcalde, asistidos por min a secretaria xeral, D<sup>a</sup> Berta Alonso Soto e o interventor accidental, D. José Luis Tievo Soliño, coa finalidade de realizar sesión ordinaria da Xunta de Goberno Local, convocada para o día de hoxe, en primeira convocatoria.

Comprobada a existencia de quórum suficiente, pola Presidencia declárase aberta a sesión, coa seguinte:

ORDE DO DÍA

### **1º.- APROBACIÓN, SE PROCEDE, DA ACTA DA SESIÓN ANTERIOR REALIZADA O DÍA 7 DE MARZO DE 2016**

A Xunta de Goberno Local, por unanimidade dos seus membros presentes, acordou, aprobar o borrador da acta da sesión anterior da Xunta de Goberno Local, realizada o día 7 de marzo de 2016.

### **OBRAS E SERVIZOS**

#### **2º.- SOLICITUDES DE OCUPACIÓN DE VÍA PÚBLICA**

##### **2.A) AUTORIZACIÓNS CONCEDIDAS EN ZONAS DE DOMINO PÚBLICO LOCAL**

A Xunta de Goberno Local, por unanimidade dos seus membros presentes e por delegación realizada en Resolución da Alcaldía do 2.7.15, acorda aprobar as solicitudes de ocupación de vía pública con mesas e cadeiras (terrazas), que a continuación se citan, debendo os/as solicitantes ingresar nas arcas municipais o importe das taxas da concesión outorgada.



## Concello de Cangas

**Así mesmo, todas as concesións supeditaránse á condición obrigatoria de delimitación dos espazos das terrazas (con xardineiras), de xeito que queden todas homoxéneas.**

1.- SOLICITUDE PRESENTADA POR M<sup>a</sup>. E. R. G. (CAFETERÍA "BULE BULE") para a ocupación de 24,00 m<sup>2</sup>., con mesas e cadeiras ao lado do local sito en Aldea de Arriba, nº 8-Coiro, desde o 1 de xuño ao 30 de setembro do ano que andamos.

2.- SOLICITUDE PRESENTADA POR J. A. C. A. (CAFE-BAR "BONIN"), para a ocupación de 60,00 m<sup>2</sup>., con mesas e cadeiras na Avda. Eugenio Sequeiros, nº 33-Cangas, enfronte do local sito no referido lugar, desde o 1 de marzo ao 30 de setembro do ano que andamos, así como, a ocupación de 28,00 m<sup>2</sup>., no referido lugar, desde o 1 de outubro ao 31 de decembro do ano que andamos, debendo deixar libre o paso de peóns no acceso á Avda. Castelao.

3.- SOLICITUDE PRESENTADA POR A. D. M. C. (BAR "ALIÑO"), para a ocupación de 24,00 m<sup>2</sup>., con mesas e cadeiras en Travesía San Francisco, nº 6-Cangas, desde o 1 de xuño ao 30 de setembro do ano que andamos, ao lado do local sito no referido lugar, debendo instalar soamente unha soa fileira de mesas e condicionado a respectar o paso de peóns, así como, deixar libres as entradas de acceso ás vivendas colindantes.

4.- SOLICITUDE PRESENTADA POR G. L. A. B. (CAFETERÍA "CANGAÇEIRO"), para a ocupación de 16,00 m<sup>2</sup>., con mesas e cadeiras na Avda. Castelao, nº 13-Cangas, á beira do establecemento, modifícaselle a autorización de instalación concedida pola Xunta de Goberno Local en sesión de data 29.12.2015, no sentido que se amplía a ocupación a un total 40,00 m<sup>2</sup>., durante o período que vai do 15 de marzo ata o 31 de outubro do ano que andamos, debendo respectar o paso de peóns.

### **CONDICIÓN**

A) O ben de dominio público que se autoriza segundo o plano presentado destinarase única e exclusivamente a ocupación mediante mesas e cadeiras, podendo a súa vez destinarse a ocupación delas con produtos propios da hostelería destinadas ó consumo das persoas. Prohíbese calquera outro destino.

B) O réxime económico ó que se suxeite a autorización é o pago da taxa correspondente, que deberá facerse no prazo establecido pola normativa tributaria.

C) O beneficiario da autorización asumirá tódolos gastos de conservación e mantemento, impostos, taxas e demais tributos, así como, a obriga de entregalo no mesmo estado en que se recibe.



## **Concello de Cangas**

D) A responsabilidade derivada da ocupación do ben será asumida integramente polo beneficiario da autorización.

E) A aceptación polo beneficiario da autorización da revogación unilateral, sen dereito a indemnización, por razóns de interese público nos supostos do artigo 92.4 da Lei de patrimonio das administracións públicas.

F) O Concello de Cangas, poderá en calquera momento inspeccionar o ben obxecto de autorización para garantir que este é usado de acordo cos termos da autorización.

G) O prazo polo que se outorga a autorización será do 1 de xuño ó 30 de setembro do 2016, agás o indicado no acordo.

H) A autorización de instalación da terraza outorgarase a nome de quen ostente a titularidade da licenza de apertura do establecemento de hostelería que linde co espazo exterior que se pretende ocupar. A autorización non poderá ser arrendada, subarrendada, nin cedida directa ou indirectamente en todo ou en parte.

I) As licenzas para a instalación de mesas e cadeiras só serán transmisibles no caso de cambio de titularidade da licenza de apertura e funcionamento do establecemento principal, sempre e cando o antigo e novo titular comuniquen esta circunstancia ao Concello, sen o cal quedarán ambos suxeitos a todas as responsabilidades que se derivaren para o titular.

J) As causas de rebogación e extinción da autorización serán as previstas no artigo 92.4 e 100 da Lei de patrimonio de administracións públicas, así como, as establecidas no artigo 10 da Ordenanza Municipal Reguladora da Instalación das terrazas na vía pública (BOP núm 144 de 27 de xullo de 2012).

K) Prohíbese expresamente a utilización de todo tipo de infraestruturas.

L) Non no previsto no acto de autorización, rexeirá o disposto no prego de condicións ó que se refire o apartado anterior, así como, a Lei de patrimonio das administracións públicas, Regulamento de bens das corporacións locais, e demais normativa aplicable.

M) En caso de instalar parasois, deberanse suxeitar mediante unha base de suficiente peso, de xeito que non produzan ningún deterioro ao pavimento mediante anclaxes ou similares. Tanto o voo coma o pé de apoio quedarán dentro da superficie que ocupa a terraza, debendo ter os toldos e parasois unha altura mínima de 2,20 metros para non molestar ós peóns.

N) Como regra xeral a instalación realizarase nunha xoa fileira de mesas apegadas á liña de fachada do establecemento a cuxo servizo se destinará, sen superar en lonxitude, e deixarase expedito o acceso ás vivendas e locais comerciais colindantes, cun espazo como mínimo de 1,80 m libre de obstáculos para o tránsito dos viandantes.



## **Concello de Cangas**

Ñ) As instalacións deberán cumprir as condicións e obrigas sinaladas na Ordenanza Municipal Reguladora da Instalación das terrazas na vía pública (BOP núm 144 de 27 de xullo de 2012).

### **2.B) DENEGACIÓN DE SOLICITUDES DE INSTALACIÓN DE MESAS E CADEIRAS EN DOMINIO PÚBLICO LOCAL**

#### **2.B.1) SOLICITUDE DE A. N. G.**

Vista a solicitude presentada o día 25.02.2016 por A. N. G., na que reclama autorización municipal para a ocupación de vía pública coa instalación de mesas e cadeiras, diante do local que rexenta sito en Rúa Baiona, nº 4-Cangas.

Visto, así mesmo, o informe emitido ao respecto pola Policía Local o día 20.03.2016.

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 2.7.15, acorda o seguinte:

PRIMEIRO.- Denegar a solicitude da Sra. N. G., de conformidade co establecido no punto 4º do artigo 12 da Ordenanza municipal reguladora de instalacións de terrazas en vía pública no Concello de Cangas, xa que a referida instalación invadiría o carril de circulación de vehículos e non cumpriría co recuado de 0,80 metros definido na referida ordenanza municipal.

### **CONDICIÓNS**

A) O ben de dominio público que se autoriza segundo o plano presentado destinarase única e exclusivamente a ocupación mediante mesas e cadeiras, podendo a súa vez destinarse a ocupación delas con produtos propios da hostelería destinadas ó consumo das persoas. Prohíbese calquera outro destino.

B) O réxime económico ó que se suxeite a autorización é o pago da taxa correspondente, que deberá facerse no prazo establecido pola normativa tributaria.

C) O beneficiario da autorización asumirá tódolos gastos de conservación e mantemento, impostos, taxas e demais tributos, así como, a obriga de entrego no mesmo estado en que se recibe.

D) A responsabilidade derivada da ocupación do ben será asumida integramente polo beneficiario da autorización.

E) A aceptación polo beneficiario da autorización da revogación unilateral, sen dereito a indemnización, por razóns de interese público nos supostos do artigo 92.4 da Lei de patrimonio das administracións públicas.



## **Concello de Cangas**

F) O Concello de Cangas, poderá en calquera momento inspeccionar o ben obxecto de autorización para garantir que este é usado de acordo cos termos da autorización.

G) O prazo polo que se outorga a autorización será do 1 de xuño ó 30 de setembro do 2016, agás o indicado no acordo.

H) A autorización de instalación da terraza outorgarase a nome de quen ostente a titularidade da licenza de apertura do establecemento de hostelería que linde co espazo exterior que se pretende ocupar. A autorización non poderá ser arrendada, subarrendada, nin cedida directa ou indirectamente en todo ou en parte.

I) As licenzas para a instalación de mesas e cadeiras só serán transmisibles no caso de cambio de titularidade da licenza de apertura e funcionamento do establecemento principal, sempre e cando o antigo e novo titular comuniquen esta circunstancia ao Concello, sen o cal quedarán ambos suxeitos a todas as responsabilidades que se derivaren para o titular.

J) As causas de rebogación e extinción da autorización serán as previstas no artigo 92.4 e 100 da Lei de patrimonio de administracións públicas, así como, as establecidas no artigo 10 da Ordenanza Municipal Reguladora da Instalación das terrazas na vía pública (BOP núm 144 de 27 de xullo de 2012).

K) Prohíbese expresamente a utilización de todo tipo de infraestruturas.

L) Non no previsto no acto de autorización, rexerá o disposto no prego de condicións ó que se refire o apartado anterior, así como, a Lei de patrimonio das administracións públicas, Regulamento de bens das corporacións locais, e demais normativa aplicable.

M) En caso de instalar parasois, deberanse suxeitar mediante unha base de suficiente peso, de xeito que non produzan ningún deterioro ao pavimento mediante anclaxes ou similares. Tanto o voo coma o pé de apoio quedarán dentro da superficie que ocupa a terraza, debendo ter os toldos e parasois unha altura mínima de 2,20 metros para non molestar ós peóns.

N) Como regra xeral a instalación realizarase nunha xoa fileira de mesas apegadas á liña de fachada do establecemento a cuxo servizo se destinará, sen superar en lonxitude, e deixarase expedito o acceso ás vivendas e locais comerciais colindantes, cun espazo como mínimo de 1,80 m libre de obstáculos para o tránsito dos viandantes.

Ñ) As instalacións deberán cumprir as condicións e obrigas sinaladas na Ordenanza Municipal Reguladora da Instalación das terrazas na vía pública (BOP núm 144 de 27 de xullo de 2012).

### **3º.- SOLICITUDES DE SINALIZACIÓN**

3.A) INFORME DA POLICÍA LOCAL S/SINALIZACIÓN DE CRUCE RÚA DERRIBO COA AVDA. DE VIGO



## Concello de Cangas

Dase conta de informe emitido o día 22.03.2016 pola Policía Local, referente a sinalización en cruce de Rúa Derribo coa Avda. de Vigo, que indica o seguinte:

*"Nº REX: 507/16*

*ASUNTO: SINALIZACIÓN CRUCE DERRIBO COA AVDA. DE VIGO*

*O departamento de sinalización da Policía Local por medio do presente informa:*

*Que no lugar da rúa Derribo coa Avda. de Vigo, ao lado do supermercado 'Familia', os axentes están a queixarse da cantidade de incidentes que teñen en dito cruce por falta de sinalización.*

*Proponse que se sinalice dito cruce co deseño que se xunta."*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 2.7.15, acorda aprobar integramente o informe da Policía Local transcrito anteriormente.

### 3.B) INFORME DA POLICÍA LOCAL S/SINALIZACIÓN DO APARCADOIRO DE ALTAMIRA

Dase conta de informe emitido o día 22.03.2016 pola Policía Local, referente a sinalización do aparcadoiro de Altamira, que é como segue:

*"Nº REX: 504/16*

*ASUNTO: SINALIZACIÓN APARCADOIRO DE ALTAMIRA*

*O departamento de sinalización da Policía Local por medio do presente así constar:*

*Vista a proximidade da Semana Santa procédese a sinalizar o estacionamento de ALTAMIRA con sinais de aparcadoiro gratuito.*

*Que ditas sinais foron colocadas na entrada da Avda. de Marín, Rúa Baiona e na entrada da Avda. de Vigo coa Avda. de Galicia."*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 2.7.15, queda informada do informe da Policía Local transcrito anteriormente.



Concello de Cangas

## **URBANISMO E PATRIMONIO**

### **4º.- INFORME PROPOSTA DE RESOLUCIÓN DO DÍA 23 DE MARZO DE 2016, DA XEFA DE URBANISMO S/OUTORGAMENTO DE LICENZAS DE OBRAS E DE APERTURAS DE ESTABLECEMENTOS**

#### **4.A) APROBACIÓN DOS SEGUINTE EXPEDIENTES DE OBRAS:**

4.A.1) LICENZA DE OBRAS MAIORES.- Examinados os expedientes de obras tramitados a instancia de parte, e tralos informes técnicos e xurídicos a eles incorporados, a Xunta de Goberno Local acordou o seguinte: outorgar as seguintes licenzas urbanísticas, deixando a salvo o dereito de propiedade e os de terceiros. O acto de edificación ou uso do solo realizarase de conformidade coa documentación presentada, coas condicións particulares e coas seguintes condicións xerais:

1ª.- Os efectos das licenzas que se conceden, son puramente urbanísticos, a reserva e con absoluta independencia da obriga inescusable que recae nos seus titulares de obter, de ser o caso, as preceptivas autorizacións dos outros organismos con competencias concorrentes nesta cuestión (Xefatura Provincial de Estradas, Deputación Provincial, Autoridade Portuaria de Vigo, Xefatura de Costas de Pontevedra, Comisión Provincial de Patrimonio Histórico-Artístico, etc.).

2ª.- Advirtéselle ó/a interesado/a que esta licenza carece de validez en tanto o/a técnico/a aparelador/a municipal non efectúe a operación de "tira de cordas", polo que o/a interesado/a deberá solicitar que esta se leve a cabo antes de comezar as obras.

3ª.- Deberá presentar no concello tres informes por escrito do estado das obras e da súa adecuación ó proxecto e á licenza municipal na que se abeiran, nas seguintes fases da obra:

a) Cando as fábricas, tanto interiores como exteriores, estean iniciadas sobre o rasado da cimentación.

b) Cando estea rematada a estrutura do teito correspondente á altura total da edificación.

c) Cando estea finalizada a obra.

4ª.- Antes do inicio das obras deberá colocarse un valado de protección, que non poderá impedir o tránsito público para o que deberá obter, previamente, licenza municipal. O valado deberá acomodarse ás prescricións de seguridade do persoal empregado nas obras e para as persoas que transiten pola vía pública.

5ª.- Deberá colocarse un cartel de dimensións mínimas de 1,70 x 0,84 metros, onde figure o número e data da licenza, número de andares e nomes do promotor, arquitecto, aparelador e constructor. O titular da licenza adoptará toda as medidas de seguridade previstas na normativa vixente.

6ª.- Deberá ter, na obra, a licenza e o proxecto selado polo concello a disposición dos funcionarios municipais.

7ª.- De conformidade co disposto no artigo 35 do R.d.l. 1/92, do 26 de xuño, os prazos de iniciación, interrupción máxima e remate das obras, fíxanse en:

a) Iniciación: dentro dos doce meses seguintes ó outorgamento da licenza.



## Concello de Cangas

b) Interrupción máxima: seis meses, debendo comunicárselle ó concello. Indícase que, con carácter excepcional e por só unha vez, outorgarase prórroga cando se xustifique que a interrupción obedeceu a motivos de forza maior.

c) Remate das obras: dentro dos trinta e seis meses seguintes ó outorgamento da licenza.

8ª.- A edificación non poderá ser ocupada en ningún dos seus andares ata que as obras estean completamente rematadas, nese momento solicitaráselle ó concello a preceptiva licenza de primeira ocupación, achegando certificado de final de obra asinado polos directores desta e visado polos colexios correspondentes. En dito certificado especificarase que as obras se axustan ás condicións da licenza municipal e, así mesmo, achegarase documento acreditativo de que a obra foi dada de alta para os efectos do imposto sobre bens inmobles e escritura de división horizontal ou de declaración de obra nova, segundo os casos.

9ª.- O comezo da obra e a efectividade da licenza estará condicionada, en todo caso, á presentación no concello de un exemplar do proxecto de execución.

10ª.- Cando nas proximidades das obras que se autorizan existan instalacións de redes de servizos públicos que poidan resultar afectadas pola realización das obras, o titular da licenza daralle conta diso ó concello e estará obrigado a repoñer, ó seu estado anterior, os desperfectos que puidesen ocasionarse, ou sufragar os gastos. Suspenderase a efectividade da licenza concedida mentres non se cumpra a obriga citada.

11ª.- Toda variación que se produza no proxecto presentado, así como, na dirección técnica ou empresa constructora, deberáselle comunicar ó concello para a súa conformidade.

12ª.- Antes de comezar a construción a que fai referencia esta licenza, o/a promotor/a das obras deberá instalar no límite da parcela contiguo ó camiño ó que dá fronte, un foxo de formigón protexido cunha reixa co único fin de limpiar as rodas dos vehículos que se empreguen na obra, especialmente en épocas de choiva, co obxecto de evitar a perda de area nos viais de comunicación co conseguinte risco para a circulación rodada.

\* Calquera dos incumprimentos do condicionado suporá a **SUSPENSIÓN INMEDIATA** das obras, de conformidade co indicado no art. 209.1 da Lei 9/2002, do 30 de decembro, de ordenación urbanística e protección do medio rural de Galicia.

**EXPEDIENTE Nº 25.560.- A O. Mª. S. O. e J. I. G. S., con enderezo en Paseo das Pontes, nº 9-1ªA- A Coruña, para en Rúa Faixa, nº 8, autorizar a excepcionalidade do cumprimento das condicións de habitabilidade reguladas no Decreto 29/2010 do 4 de marzo, polo que se aproban as normas de habitabilidade de vivendas en Galicia con base no informe favorable da arquitecta da oficina de rehabilitación, Mª. I. M. F., de data 2 de outubro de 2015, de rehabilitación dunha vivenda entre medianeiras de 31,05m<sup>2</sup>., de planta baixa, 25,36 m<sup>2</sup>., de primeiro andar con 2,13 m<sup>2</sup>., de balcón e 15,21 m<sup>2</sup>., de segundo andar con 8,04 m<sup>2</sup>., de terraza, de conformidade co proxecto básico do arquitecto J. A. F. R. e V. P. S., de xuño de 2015.**

Malia isto deberá cumprir o establecido no artigo 47 do Plan Especial de Protección e Reforma Interior do Casco Antigo de Cangas (BOP 28-6-2000) que dispón:





## Concello de Cangas

*"En todo o conxunto edificado do Casco Histórico recoméndase a utilización de contrafiestras interiores de madeira nos ocós das fiestras, balcóns ou portas de aire, pintadas en branco ou cores que harmonicen coa carpintería.*

*Prohíbese expresamente, en calquera caso, a exposición ó exterior de persianas plásticas ou doutros materiais, tampouco se pode instalar capialzados exteriores para alonxar persianas enrolables ou toldos.*

*As galerías ou miradoiros só poderán levar ó interior persianas venecianas ou enrolables de materiais moi lixeiros que non modifiquen o efecto de transparencia e lixeireza dos seus parámetros. A súa coloración harmonizará co do entramado da galería ou miradoiro, debendo evitarse a gama de cores primarios."*

EXPEDIENTE Nº 25.842.- A. A. S. para reparación de muro de contención de terras no lugar de Vilanova, nº 169–O Hío, de conformidade co proxecto elaborado pola arquitecta B. F. P., con visado do 03.02.2016.

### **5º.- DACIÓN DE CONTA DAS DECLARACIÓNS PREVIAS DE OBRAS E ACTIVIDADES**

A Xunta de Goberno Local, queda informada das seguintes comunicacións previas de obras e actividades:

#### OBRAS

EXPEDIENTE Nº 25.848.- Soapel Vigo, SL, acondicionamento de local para venda de produtos de perruquería e estética en Rúa San José, nº 39-baixo.

EXPEDIENTE Nº 25.862.- Bema, SC, substitución de porta de entrada a local de café-bar en Rúa República de Cuba, 3-baixo.

EXPEDIENTE Nº 25.843.- a J. M. A., con enderezo en rúa Antonio Nores, nº 28–1ºB–Cangas, para no Xistro, nº 14–Coiro demoler un muro de cerramento e reconstrución con recuado.

#### **FACENDA**

### **6º.- DACIÓN DE CONTA DE SENTENZAS E RESOLUCIÓNS XUDICIAIS**

6.A) DACIÓN DE CONTA DE PROPOSTA DA ALCALDÍA RELATIVA Á SENTENZA Nº 55/2016 DITADA NO PROCEDEMENTO ABREVIADO Nº 241/2015



## Concello de Cangas

Dase conta de proposta da Alcaldía do día 28.03.2016 referente a sentenza nº 55/2016 ditada polo Xulgado do Contencioso-Administrativo nº 3 de Pontevedra, recaída no procedemento abreviado nº 241/2015, promovida por Lisardo Martínez Soliño, que é como segue:

*"PROPOSTA DA ALCALDÍA RELATIVA Á SENTENZA Nº 55/2016 DITADA NO PROCEDEMENTO ABREVIADO Nº 241/2015 (X-15/10)*

*Vista a sentenza firme nº 55/2016 ditada o día 22.03.2016 polo Xulgado do Contencioso-Administrativo nº 3 de Pontevedra no procedemento abreviado nº 541/2015, instruído a instancia de L. M. S., en reclamación de responsabilidade patrimonial contra o Concello de Cangas.*

*Visto o fallo da sentenza que: 'estima o recurso e condena á Administración Municipal demandada a aboar ao demandante a cantidade de douscentos vinte e tres euros con setenta e catro céntimos (223,74 €) máis os xuros correspondentes desde a data da súa reclamación en vía administrativa, con condena en custas ao concello en contía que non poderá exceder o importe de catrocentos euros (400,00 €) no relativo a gastos de defensa e representación'.*

*Por todo o exposto, esta Alcaldía propón á Xunta de Goberno Local a adopción do seguinte ACORDO:*

*Primeiro.- Tomar coñecemento da sentenza firme nº 55/2016 ditada o día 22.03.2016 polo Xulgado do Contencioso-Administrativo nº 3 de Pontevedra no procedemento abreviado nº 241/2015, instruído a instancia de L. M. S. en reclamación de responsabilidade patrimonial contra o Concello de Cangas.*

*Segundo.- Recoñecer a obriga por importe de douscentos vinte e tres euros con setenta e catro céntimos (223,74 €) en concepto de principal a favor de L. M. S., con DNI nº 53178859F, con cargo á aplicación 920.22699 do vixente orzamento municipal (consta documento contable de retención de crédito emitido pola intervención municipal en data 28.03.2016 con nº de asentamento 4669).*

*Terceiro.- Dar traslado deste acordo aos departamentos municipais de Intervención, Tesourería e Apoio Xurídico".*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 02.07.2015, acorda aprobar íntegramente a proposta da Alcaldía transcrita anteriormente, referente a sentenza nº 55/2016 ditada polo Xulgado do Contencioso-Administrativo nº 3 de Pontevedra.



## Concello de Cangas

### 6.B) DACIÓN DE CONTA DE PROPOSTA DA ALCALDÍA RELATIVA Á SENTENZA Nº 177/2016 DITADA NO PROCEDEMENTO ORDINARIO Nº 605/2015

Dase conta de proposta da Alcaldía do día 23.03.2016 referente a sentenza nº 177/2016 ditada polo Xulgado do Social nº 4 de Vigo, recaída no procedemento ordinario nº 605/2015, promovida por M<sup>a</sup>. A. F. L., que é como segue:

*"PROPOSTA DA ALCALDÍA SOBRE SENTENZA Nº 177/2016 DITADA POLO XULGADO DO SOCIAL Nº 4 (REFORZO) DE VIGO NO PROCEDEMENTO ORDINARIO Nº 605/2015*

*Visto o contido do fallo da sentenza nº 177/2016 de 16.03.2016 ditada polo Xulgado do Social nº 4 de Vigo (Reforzo) no procedemento ordinario nº 605/2015 seguido a instancia de M<sup>a</sup>. A. F. L. que de seguido se transcribe.*

*'Estimo a demanda interposta por M<sup>a</sup>. A. F. L. contra o Concello de Cangas do Morrazo. Declaro que M<sup>a</sup>. A. F. L. ostenta a condición de traballador indefinido do Concello de Cangas do Morrazo coa categoría de auxiliar administrativa e as retribucións inherentes a esta condición.*

*Condeno ao Concello de Cangas do Morrazo a estar e pasar por esta resolución'.*

*De acordo co ata aquí exposto esta Alcaldía propón á Xunta de Goberno Local a adopción do seguinte ACORDO:*

*Primeiro.- Tomar coñecemento da sentenza nº 177/2016 de 16.03.2016 ditada polo Xulgado do Social nº 4 de Vigo (Reforzo) no procedemento ordinario nº 605/2015 seguido a instancia de M<sup>a</sup>. A. F. L.*

*Segundo.- Que polo Negociado de Persoal se proceda, en cumprimento da sentenza citada á formalización do contrato como persoal indefinido non fixo deste concello de M<sup>a</sup>. A. F. L., levando a cabo os trámites derivados desta formalización.*

*Terceiro.- Deixar constancia da referida sentenza no expediente persoal da traballadora e no expediente do Xulgado (X-15/11).*

*Cuarto.- Dar traslado deste acordo aos departamentos de Intervención, Persoal e Apoio Xurídico".*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 02.07.2015, acorda aprobar



## Concello de Cangas

Íntegramente a proposta da Alcaldía transcrita anteriormente, referente a sentenza nº 177/2016 ditada polo Xulgado do Social nº 4 de Vigo.

### URXENCIAS

#### ASUNTOS FÓRA DA ORDE DO DÍA

Trala declaración da urxencia, por unanimidade dos/das Sres./Sras. concelleiros/concelleiras asistentes, (art. 83 R.d. 2568/1986, do 28 de novembro), adoptáronse os seguintes acordos:

#### **A) PROPOSTAS DA CONCELEIRA DE DESENVOLVEMENTO ECONÓMICO E EMPREGO LOCAL S/PRÓRROGA PARA O ANO 2016 DAS LICENZAS MUNICIPAIS DE VENDA AMBULANTE**

##### A.1) PROPOSTA DA CONCELEIRA DE DESENVOLVEMENTO ECONÓMICO E EMPREGO LOCAL PARA A PRÓRROGA PARA O ANO 2016 DAS LICENZAS MUNICIPAIS DE VENDA AMBULANTE

Dase conta de proposta do día 28.03.2016 da concelleira de Desenvolvemento Económico e Emprego Local, referente á prórroga para o ano 2016 das licenzas municipais de venda ambulante, que é como segue:

*"PROPOSTA DA CONCELEIRA DE DESENVOLVEMENTO ECONÓMICO E EMPREGO LOCAL PARA A PRÓRROGA PARA O ANO 2016 DAS LICENZAS MUNICIPAIS DE VENDA AMBULANTE*

*I.- O Regulamento municipal de venda ambulante do Concello de Cangas aplicable as renovacións de 2016 (BOP da provincia de Pontevedra nº 67 do 8 de abril de 2013) prevé no seu artigo 16 que as autorizacións terán unha vixencia de un ano natural, prorrogable de forma expresa por períodos de igual duración. O prazo para a presentación da documentación correspondente para a renovación irá desde o 1 de decembro ata o 30 de decembro de cada ano.*

*II.- Por parte do concello con motivo da apertura do período de renovación cara a 2016 os titulares de licenzas foron requiridos co fin de que, de ser do seu interese, no prazo indicado presentasen a solicitude de renovación para o ano 2016.*

*III.- As persoas que de seguido se relacionan presentaron no período citado as súas solicitudes de renovación, se ben observáronse deficiencias e foron requiridas ao abeiro do disposto no artigo 71 da Lei 30/1992, de 26 de novembro, de réxime xurídico das administracións públicas e do procedemento administrativo común para que no prazo de dez días subsanasen os defectos*



## Concello de Cangas

*detectados, advertíndolles que de non facelo teríaselles por desistidos do seu pedimento, previa resolución que deberá ser ditada nos termos previstos no artigo 42 da Lei 30/1992, o que implicará a perda do posto.*

*IV.- Rematado o prazo outorgado as persoas que a seguir se relacionan non emendaron satisfactoriamente os defectos detectados polo que cómpre telos por desistidos do seu pedimento e adoptar o presente acordo que declara a revogación das autorizacións das que eran titulares.*

*V.- O órgano competente para o outorgamento das licenzas municipais é a Xunta de Goberno Municipal, segundo o artigo 15 do regulamento vixente.*

*Á vista do anteriormente exposto propoño á Xunta de Goberno Local adoptar o seguinte ACORDO:*

*Primeiro.- Ter por desistido da solicitude de renovación de licenza municipal de venda ambulante para o ano natural 2016 e declarar revogada a licenza municipal de venda ambulante a:*

*Ref: 65. Copistería Foto Núñez*

*Ref: 108. F. P. R.*

*Ref: 133. M. D. S.*

*Segundo.- Advertir aos titulares de licenzas revogadas que trala notificación do presente acordo deberán absterse de continuar a colocar o posto no Mercado por carecer de autorización, resultando de aplicación o réxime sancionador e as medidas previstas para tal efecto na normativa, todo iso sen prexuízo de que estean obrigados a satisfacer as taxas municipais e calquera outra obriga derivadas da ocupación efectiva do posto.*

*Terceiro.- Dar traslado deste acordo aos interesados, xunto cos recursos procedentes, así como aos departamentos municipais de Tesourería, Estatística e Concellería de Desenvolvemento Económico e Emprego Local”.*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 02.07.2015, acorda aprobar integramente a proposta da concelleira de Desenvolvemento Económico e Emprego Local, referente á prorroga para o ano 2016 das licenzas municipais de venda ambulante.

**A.2) PROPOSTA DA CONCELLEIRA DE DESENVOLVEMENTO ECONÓMICO E EMPREGO LOCAL PARA A PRÓRROGA PARA O ANO 2016 DAS LICENZAS MUNICIPAIS DE VENDA AMBULANTE**



## Concello de Cangas

Dase conta de proposta do día 28.03.2016 da concelleira de Desenvolvemento Económico e Emprego Local, referente á prórroga para o ano 2016 das licenzas municipais de venda ambulante, que é como segue:

### *"PROPOSTA DA CONCELEIRA DE DESENVOLVEMENTO ECONÓMICO E EMPREGO LOCAL PARA A PRÓRROGA PARA O ANO 2016 DAS LICENZAS MUNICIPAIS DE VENDA AMBULANTE*

*I.- O Regulamento municipal de venda ambulante do Concello de Cangas aplicable as renovacións de 2016 (BOP da provincia de Pontevedra nº 67 do 8 de abril de 2013) prevé no seu artigo 16 que as autorizacións terán unha vixencia de un ano natural, prorrogable de forma expresa por períodos de igual duración. O prazo para a presentación da documentación correspondente para a renovación irá desde o 1 de decembro ata o 30 de decembro de cada ano.*

*II.- Por parte do Concello con motivo da apertura do período de renovación cara a 2016, os titulares de licenzas foron requiridos co fin de que, de ser do seu interese, no prazo indicado presentasen a solicitude de renovación para o ano 2016, con expresa advertencia de que de non presentar esta solicitude de renovación no prazo indicado entenderíase que renunciaban voluntariamente á renovación da autorización e polo tanto deberían deixar o posto libre por carecer de autorización para o exercicio da venda ambulante, sen prexuízo da liquidación das taxas polo período de ocupación efectiva do posto e da aplicación do réxime sancionador.*

*III.- As persoas que de seguido se relacionan presentaron no período citado as súas solicitudes de renovación, se ben observáronse deficiencias e foron requiridas ao abeiro do disposto no artigo 71 da Lei 30/1992, de 26 de novembro, de réxime xurídico das administracións públicas e do procedemento administrativo común, para que no prazo de dez días subsanasen os defectos detectados, advertíndolles que de non facelo teríaselles por desistidos do seu pedimento, previa resolución que deberá ser ditada nos termos previstos no artigo 42 da Lei 30/1992, o que implicará a perda do posto.*

*IV.- Dentro do prazo outorgado estas emendaron satisfactoriamente os defectos detectados polo que cómpre adoptar o presente acordo que declara a renovación para o ano 2016 das autorizacións das que eran titulares.*

*V.- O Órgano competente para o outorgamento das licenzas municipais é a Xunta de Goberno Municipal segundo o artigo 15 do Regulamento vixente.*

*Á vista do anteriormente exposto proponho á Xunta de Goberno Local adoptar o seguinte ACORDO:*



## Concello de Cangas

*Primeiro.- Estimar a solicitude de renovación de licenza municipal de venda ambulante para o ano natural 2016, ao abeiro do disposto no Regulamento municipal de venda ambulante do Concello de Cangas (BOP 08/04/2013), por cumprir cos requisitos esixidos para a renovación a:*

*Ref: 12. D. T. C.*

*Ref: 154. D. J. G.*

*Segundo.- Dar traslado deste acordo aos interesados xunto cos recursos procedentes, así como, aos departamentos municipais de Tesourería, Estatística e Concellería de Desenvolvemento Económico e Emprego Local”.*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 02.07.2015, acorda aprobar integramente a proposta da concelleira de Desenvolvemento Económico e Emprego Local, referente á prórroga para o ano 2016 das licenzas municipais de venda ambulante.

## **ROGOS E PREGUNTAS**

Non se formularon.

Sen máis asuntos que tratar, a presidencia remata a sesión e eu redacto esta acta como secretaria.

A secretaria

Visto e prace  
o presidente